

思玄庸言
凝齋筆語
空同子纂約
蘿山雜言
后渠庸書
言
冥影契
汲古叢語
拘虛晤言
海石子內外篇
樵子



蘿

山

雜

言

宋
濂
著

中
華
書
局

蘿山雜言

金華宋濂著

濂自居青蘿山山深無來者輒日玩天人之理久之似覺粗有所得作蘿山雜言

君子之道與天地並運與日月並明與四時並行冲然若虛淵然若潛渾然若無隅凝然若弗移克然若不可以形拘測之而弗知用之而弗窮唯其弗知是以極微唯其弗窮是以有終

至虛至靈者心視之無形聽之無聲探之不見其所廬一或觸焉繽繽乎萃也炎炎乎蕪也莽莽乎馳弗

息也苟不以畏爲君而欲戀之勒之檢之押之苞之
涵之是猶教猱學禮也不亦左乎

子不見嬰兒乎目不留采色故明全耳不留聲音故
聰全舌不留苦甘故味全君子則之養其聰晦其明
忘其味是之謂通原通原則幾乎聖人不用則已用
則爲天下獨

六經皆故迹新入之機不同其機確確其履濯濯其
機采采其履昧昧甚哉其機也人以文視經斯繆已
善察機者其以質視經乎

綿綿焚焚乃政之分純純謚謚乃政之一是故聖人

訓而弗擾靖而弗逸明而弗察勤而弗煩弗擾故民
舒弗逸故民寧弗察故民寬弗煩故民裕四者有失
則天下受其害

守正莫過于一一故弗貳弗貳則明明則神神則無
不通天下之能事畢矣是故聖人之學貴一

天下一物也譬之千鈞烏獲能舉之力不獲若則或
壓焉或僨焉甚可畏也然則舉天下有要乎曰有德
以懷之刑以威之

陰陽相摩晝夜相環善惡相形梟鳳相峙梁紇相茂
勢也亦理也君子欲盡絕小人得乎哉

禽之羽者兩其足獸之角者去其齒天地生物尚有不能而况衆人乎故曰功有所不全力有所不任才有所不足

行遇刃者必避食逢鵠者必含懼害已也麗色蔽劍厚味腊毒則弗之察愚矣

鷄司晨犬警夜雖堯舜不能廢人有棄小善而弗采者非道哉

以文徽名名必隳以貨徇身身必亡隳故無成亡因有爭唯君子知名不可徼身不可徇是謂守素守素則治治乃昭昭乃純純乃誠內修不暇奚事外欲

皦皦子不緇容容子不知其所窮如擁鑑如持衡隨
美惡輕重而應焉其君子之心也哉天無言而生殺
遂伸子則榮屈子則悴亦何容力哉故君子與天合
德

不察察以自恃乎不默默以求全乎不赫赫以驚翔
乎不縮縮以矧伏乎能純一乎能純外誘乎能山立
而海受乎如是者謂之近道

彼因氣強吾以義剛彼因氣弱吾以仁柔剛柔強弱
之間不容一髮知者行之是謂得天不肖者恃之是
謂失天

人有奇志而求學者或告之曰爾首不亡也指以示之冷然而語學者之於道亦然

世求聖人於人求聖人之道於經斯遠已我可聖人也我言可經也弗之思耳

天下之事或大或簡或煩或虧或贏或同或異雖一矣君子以方寸心攝之了然不見其有餘

以術干祿者敗以才樹家者禍以勢臨人者辱以安自恃者危以學自眩者離以行自翹者偽是六疾也慈則和儉則裕勇則決明則遠容則聚是五懿也去六疾行五懿方有爲於天下

辨貴乎行不行猶馬之無足隼之無羽也弘其中廓
乎使有容制乎外無使其沛節其欲不遠而復遏絕
其未然而其天始全泊焉其若虛肅焉其若拘統焉
而有樞如此方能入於君子之塗矣

蘿山雜言終